

INUIT ATAQATIGIIT

Inatsisartuni



UPA 2019/67
07.05.19
Múte Bourup Egede

Namminersorlutik Oqartussat pigisaanni, pisortat suliffeqarfiutaanni misissueqqissaarnermi iluaqutaasinnaasut aamma ajoqutaasinnaasut selskabit niuertorpalaartumik ilusiligaasimanerannut aqqissuussisimanermi siunertaqartunuinnaangitsoq taamaattorli aamma immikkuullarissumik politikikkut qajassuussinissaq pillugu UKA2019-mut saqqummiussinissaannik Naalackersuisut peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Pele Broberg, Partii Naleraq)

Pisortat suliffeqarfiutaat tassaapput inuiaat kalaallit pigisaat. Pissusissamisoorporlu piginnittut pigisamik qanoq ingerlanneqarnerannik siunnerfeqarnissaannillu ammasumik isummersorinnaanissaminnut periarfissaqarnissaat.

Ingerlatseqatigiiffiit nunatsinni ukiuni makkunani aningaasarsiorluarput aamma pisortat ingerlatseqatigiiffiutaat – Inuiaat pigisaat, ingerlalluarlutik nunatta karsianut annertuumik aningaasanik akileraartarlutillu ajunngitsorsititseqattaarput.

Ingerlalluortoqarnera ajunngivippoq aningaasarsiorluarnittali nalaani inuiaqatigiinni atukkatigut naligiinnginneq aatsaat taamak qaffasitsigilersimavoq. Akuersarneqarsinnaangilaq atukkatigut naligiinnginneq taamak qaffasitsigilersimammat. Naapertuilluarnerussaarlul suliffeqarfissuit aamma pisortat pigisaasa ingerlalluarnerat sulisartukkut akunnattumillu isertitallit malugippassuk. Naatsorsueqqissaartarfiup kisitsisaatai tikkuussipput ullumikkut taamaattoqangitsoq. Mumisillugu suleqatigiinniarta, inuiaqatigiinni tamanit ingerlalluarnerput malugineqalersillugu.

Ullumikkut pissutsit imak aamma aqqissuutilersimavagut allaat pisortat suliffeqarfiutai assigiinnik imminulluunniit assingusunik suliallit arlariaat pigilersimallutigit. Taakku ingerlanerminni allaffissornikkut, siulersuisoqarnikkut, pisortaqarnikkut il.il. immikkut aningaasartuuteqarfigaagut. Immitsinnullu aperisariaqalinnginnerpugut ilumut inuiaat 56.000-t missaanni amerlassuseqarluta pissutsit taamaattut atuutsiinnarniarnerlutigit. Inuit Ataqatigiinniit ingerlatseqatigiiffilioqattaarnata suliannillu assigiikannersunik suliaqarpata suliffeqarfiit taava ataatsimuulersillugit pinissaat ornigineroqaarput. Allaffissorneq aningaasartuuteqarnerlu annikinnerpaaffianiitsikkumallugit. Taamaalillutalu inuiaqatigiit piginnittuusut pissarsilluarnerusinnaaner at angujumallugu.

Siunnersuuteqartoq Pele Broberg qutsavigalugu siunnersuuta soqutiginar toq ataatsimiitsitaliamut susassaqartumut ingerlateqqipparput.